



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-27-5-2793/17

Datum: 22.09.2017. godine

Služba za finansije, privredu, komunalne i inspeksijske poslove općine Tešanj na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10), člana 24. Odluke o lokalnim i nekategorisanim cestama ("Službeni glasnik Općine Tešanj", broj: 8/06) i člana 200. Zakona o upravnom postupku ("Sl. novine FBiH", broj: 2/98, 48/99), po zahtjevu Službe za društvene djelatnosti i investicije općine Tešanj, donosi

RJEŠENJE

- 1. ODOBRAVA SE** privremeno zatvaranje za saobraćaj motornih vozila "Titove" ulice i ulice "Trg Gazi Ferhat-bega" u gradu Tešnju u periodu od 23.09.-24.09.2017. godine, od 08,00-17,00 sati a radi izvođenja radova na rekonstrukciji kocke navedenih ulica.
2. U vrijeme zabrane, saobraćaj će se odvijati postojećim alternativnim saobraćajnim pravcima-ulicama: "Tabačka", "Hamzalije Ajanović", "Ali-paše Hećimovića", "9. Septembar" i "Adema Handžića".
3. Privremenu obustavu saobraćaja obilježiti vertikalnom saobraćajnom signalizacijom.
4. Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimaće mjere sigurnog odvijanja saobraćaja alternativnim pravcima i druge mjere iz svoje nadležnosti.

Obrazloženje

U cilju izvođenja radova na rekonstrukciji kocke "Titove" ulice i ulice "Trg Gazi Ferhat-bega", iskazala se potreba za zatvaranjem navedenih ulica u periodu od 23.09.-24.09.2017. godine, od 08,00-17,00 sati.

Dok traju radovi na rekonstrukciji kocke saobraćaj će se odvijati postojećim alternativnim saobraćajnim pravcima-ulicama: "Tabačka", "Hamzalije Ajanović", "Ali-paše Hećimovića", "9. Septembar" i "Adema Handžića".

Služba je u postupku rješavanja zahtjeva ustanovila da ne postoje smetnje za novi režim odvijanja saobraćaja u periodu rekonstrukcije "Titove" ulice i ulice "Trg Gazi Ferhat-bega", odnosno saobraćaj će se u navedenom periodu odvijati navedenim postojećim saobraćajnicama.

Imajući u vidu naprijed navedeno, u skladu s članom 25. Odluke o lokalnim i nekategorisanim cestama ("Službeni glasnik Općine Tešanj", broj: 8/06) riješeno je kao u dispozitivu rješenja.

Ovo rješenje oslobođeno je od plaćanja administrativne takse u skladu sa članom 7. tačka 1. Odluke o općinskim administrativnim taksama ("Službeni glasnik Općine Tešanj", broj: 1/14).

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

1. Služba za društvene djelatnosti i investicije,
2. PS Tešanj
3. Web stranica općine
4. a/a



POMOĆNIK OPĆINSKOG NAČELNIKA

Hamzaliya Hojkurić, dipl.ecc